


大清會典



大清會典

內務府

圓明園總管大臣。

特簡
無定員。

郎中一人。員外郎一

人。主事一人。委署主事一人。苑丞一人。苑副十

有七人。委署苑副九人。

掌

圓明園之禁令。



園之中為

正大光明殿

園距暢春園里許。為門十八。南曰大宮門。曰左右門。曰東西

夾道門。曰東西如意門。曰福園門。曰西南門。曰水閘門。曰藻園門。東曰東樓門。

曰鐵門。曰明春門。曰隨牆門。曰藻珠宮門。西曰隨牆門。西北曰北橋門。大宮門

外輦道東西皆有湖。曰前湖。門內為出入賢良門。內為正大光明殿。後即大內。東

為

勤政親賢殿

在正大光明殿東。外為奏事門。西為山。高水長。東為同樂園。每

歲皇帝筵燕外藩及內廷大臣於此。

皇帝駐蹕則聽政焉

遇駐蹕圓明園。凡召對羣臣。引見庶僚。均於

勤政親賢殿

駕出入則侍班

駕出入圓明園。稽其門禁。設總管大臣率屬侍班。

戶頭目三十五人。園戶五百八十五人。園隸四十六人。外旗匠十四人。民匠一百四十人。園戶

頭目每月給銀二兩。每季給米二石。園戶五百二十五人。每月給銀一兩五錢。每季給米一石

三斗。六十人每月給銀一兩。米同。園隸四十二人每月給銀一兩五錢。每季給米二石六斗。四人每月給銀一兩。米同。匠役每月給銀一兩。每季給米一石三斗。均給養贍地三十畝。惟園隸不給地。凡園戶等進內汜埽。人給火烙腰牌一。填明年貌。其應准出入各門。亦設對牌一。每日派苑丞苑副一人。按門查驗。並令值班護軍參領護軍校護軍等。盤詰查對後。交該處首領太監帶進。出則仍行點驗。總管大臣亦隨時查察。如有假冒贍徇等弊。在內則將該管首領太監交總管太監嚴加懲治。在外將該管官員參處治罪。匠役出入同。至各園內陳設。均太監看守。苑丞苑副等每日率園戶匠役在安佑宮舍衛城。明春門。並長春園。綺春園。

熙春園等處外圍值宿。仍呈報總管大臣及郎中員外郎等稽查。董其工作。園

內遇有興作。及歲修工程。均由總管大臣及郎中員外郎管理。設木廠以貯木材。設現行房以貯杉槁竹席磚瓦銅鐵紙張顏料等物。設銷算房以銷算工料。設督催所以督催工作。及文移等事。均由堂主事委署主事管理。凡新修牆垣在三年內坍塌者。原監修官賠修。仍交內務府議處。在三年外五年內坍塌者。免其議處。仍責令賠修。宮殿亭臺。在三年內滲漏者。原監修官賠修。三年外官修。其餘保固各限。與營造司同。其藏船塢內履安舸一。翔鳳艇一。太液朱鷺船一。書畫舫一。卧遊書室船一。載月舫一。飛雲廬船一。如坐天上舟一。如意舟一。鳧藻軒船一。

輕船一。看圍船一。更船一。膳船一。小棚子船一。
開河船二。曾船一。公主船一。板船九。划子船一。
龍船九。椰子輕船一。雁尾船二。湖船二。撲拉船
三十四。牛舌頭船三十五。西船塢內飛雲罩船
一。撲拉船十四。銅釘四罩船一。牛舌頭船一。紅
油酒船一。南船塢內平安月鏡居船一。寧靜舟
一。綠油船一。公主船一。長春園內撲拉船七。
紅油船一。牛舌頭船八。畫舫船一。青雀舫一。竹
式船一。蘋香泛船一。綺春園船塢內般若觀
四棹船一。黃油船一。撲拉船六。牛舌頭船十。小
綠油船二。設看守翔鳳艇水手六名。聽差水手
二十一名。俱太監管理。如遇修驗。本園河道苑
丞苑副專司。園內進水出水各閘。設閘軍二十
四名。隨時啟閉。遇有修繕。亦由河道苑丞苑副

辦理。其園外各閘。由柳村閘閘官啟閉。庫藏則覈其出納之數。園

設銀庫器庫。每年將銀庫出入數目繕黃冊具奏。器庫出入數目繕藍冊存記。至工程應用銀兩器物。均隨時奏銷。

銀庫。庫掌一人。庫守四人。

掌儲

內帑。以給繕修之費。每年額收房地租銀五千餘兩。長蘆鹽政解交扣裁養廉

及盈餘銀二萬七八千兩。張家口監督解交盈餘銀四萬餘兩。山海關監督解交盈餘銀三萬

餘兩。淮關監督解交扣裁養廉及存公火耗銀一萬六千餘兩。直隸總督解交香河縣地租銀二百兩有奇。兩淮鹽政解交滋生及節省銀十萬二千餘兩。其餘各該處應交廣儲司銀內。奉旨撥交。圓明園無定額。凡園內歲修工程。先動支房地租銀。如不敷奏請動支各項銀兩。每五年一次。欽派大臣清查。並將器庫一併清查。每日庫掌庫守帶領園戶輪流值宿。仍令郎中等不時稽查。並派綠營千把總率營兵協同巡察。

器庫。庫掌一人。庫守二人。

掌器物之守藏。

器庫存貯木器銅器鐵器竹器及磁錫鍍鑪諸物。

筆帖式十有三人。

掌繙譯。

暢春園總管大臣。

特簡無定員。

郎中一人。苑丞四人。

苑副六人。委署苑副十人。

掌

暢春園之禁令。

園在南海淀其東曰恩佑寺。聖祖仁皇帝為

莊文皇后祝釐建寺右曰恩慕寺。高宗純皇帝為孝聖憲皇后祝釐建園。

之西為西花園。又西為聖化寺。園之南為泉宗廟。西花園之西為虎城。養虎俱屬暢春園大臣轄。設暢春園効力拜唐阿四人。看印蘇拉四人。園戶一百二十八人。園丁三十二人。匠役二十七人。花兒匠八人。水手一人。俱隨同苑丞苑副。灑各園庭。並看管陳設。蘇拉每月給銀一兩。每季給米二石六斗。園戶每月給銀一兩。每季給米一石三斗。各給養贍地三十畝。官房一間。花兒匠四名。每月給銀一兩。無米。各給養贍地六十畝。四名每月給銀一兩。每季給米一石三斗。各給養贍地三十畝。水手每月給銀一兩。每季給米六斗五升。每年將本處鬻賣稻米穀草。並房地租銀。作為歲修之費。於年終奏銷。如有盈餘。交圓明園銀庫收貯。

一切文移。俱用內務府堂印轉行各部院。其查驗園戶等出入腰牌。與圓明園同。

筆帖式三人。

掌繙譯。

清漪園。

靜明園。

靜宜園總管大臣。

特簡無定員。

郎中一人。員外郎三

人。內清漪園靜明苑丞十有八人。內清漪園靜宜園各一人。

人。靜明園五人。苑副二十有六人。內清漪園十人。

靜明園靜宜園各八人。委署苑副二十有一人。內清漪園六人。

靜明園五人。
靜宜園十人。

掌三山之禁令。

清漪園建於萬壽山。在圓明園西。前臨昆明湖。靜明園

建於玉泉山。在清漪園西北。靜宜園建於香山。在靜明園西南。清漪園設催長一人。

副催長四人。領催二人。馬甲六人。園丁一百十人。園戶三十九人。園隸十二人。廟戶七人。匠役

十二人。開軍一百三十人。靜明園催長一人。副催長二人。拜唐阿四人。馬甲二人。園丁四十

四人。園戶一百五十三人。園隸十六人。廟戶六人。開軍四十一人。靜宜園拜唐阿十二人。園

丁八十人。園戶一百十六人。園隸二十八人。匠役二十人。蘇拉十六人。催長每月給銀三兩。每

季給米五石三斗。副催長領催月給銀二兩。每季給米五石三斗。馬甲月給銀三兩。每季給米

五石三斗。蘇拉月給銀一兩。每季給米二石六斗。開軍月給銀一兩。米一斛。園戶園丁匠役與

圓明園同。每年三園所得蓮藕果蔬變價銀及房地租銀。除備各園寺廟供獻外。餘為歲修

之費。如不敷。由圓明園銀庫領取。凡歲修在百兩以下者。隨時支領辦理。在百兩以上者。派

員勘估後奏聞領帑興修。歲終各以其數分晰題銷。均限保固三年。如未至三年者。原修

官賠修園內船橋亦隨時修理。清漪園
御用澄虛船一。九如意船一。輕船一。昆明喜龍
船一。景龍舟一。鏡中遊船一。芙蓉艦一。萬荷舟
一。洋蓮艇一。錦浪飛鳧船一。亭式船一。隨侍茶
船一。膳船九。繚船十。備差船四十。靜明園
御用得源船一。欄杆如意船一。平頂船一。捲
棚如意船一。棕亭船一。隨侍茶船一。運水船二。
備差船九。御用時苑丞苑副等協同圓
明園太監及御船處水手網戶備差。三園陳
設各物。每歲由該管大臣派員清查一次。五年
由內務府奏派大臣稽察一次。其三園文移俱
用內務府印轉行各部院。其園戶園丁等出入
各給腰牌查驗。

筆帖式十有四人。內清漪園八人。靜
明園靜宜園各三人。
掌繙譯。



